


¡AGUR!

(CUBA-RA LENENGO ALDIZ IRTEN NITZAN EGUNEAN IDATZIAK)

¡Agur tontorrak, agur zelayak,
agur baso gereitsuak,
baserri churi, ola zar eta
ibai t'erreka zuluak.
¡Agur, amacho, eulsi lepotik,
estutu ongi besuak,
nere españetan lertu bitez gaur

dariyozkatzun malkuak.
Biyon tartean urditz aundi bat
ipiñi arren ichasuak
¡ama!, zuregan noiznai ekarri
nezateke amets-eguak.
¡Agur, agur! berekin gau t'egun
zarama nere goguak.



GURE IZKUNTZA

Usai eder-dun lore malats bat
oin-pean artzen badegu
keme gozozko negar ezeaz
usai geigo banatzen du;
gure izkuntz on eta zarra-re

egin dezaguke kontu
lorea dala; mingaiñ gaiztoaz
norbaitek zati nai badu
ordun da geigo bere edergarri
onak erakusten ditu.

EMETERIO ARRESE